



NIRB File No.: 12MN036
NWB File No.: 2AM-BRP1831

Imaruqtirvia 29, 2020

Umunnga: Hanningayuq Kuugaq Tuniuqagauyut Titiqat

Tuyuqtauyyuq Qaritauyakkut Titiraqarvitigut

Uumuuna: Tughirautit ugauhirnik taapkununnga Sabina Kuluut Haviillu Kuapuriissat. “Hanningayumi 2020-mi Havaaghanut Ihuaqhaitighat” Havaaghanut Tughirautit talvunga Hanningayumi Havaaghanut

Havaqatighat:

Imaruqtirvia 9-mi, 2020-mi Nunavumi Avatilikiyin Katimayin (NIRB) titiraqtauhimayut Nunavunmi Parnaiyit Katimayiinit (NPC taapkualuuniit Katimayiit) qauyihaiquplutik Sabina Kuluut Haviillu Kuapuriissat (Sabina) “Hanningayumi 2020-mi Havaaghanut Ihuaqhaitighat” havaaghanut tughirautinit naunaiqhitiyuq taimaa havaaghamut tughirautit hilataaniittuq nunam atuqtitauyut nunat parnaiyautainit. Katimayiit tughirautinik NIRB-kunnut qauyihagtittiyaat hanayaghanik huliyaaghaniklu tughirautainut hivuanit ilaunngittut taapkununnga ihuaqhaqtauhimayunut tughirautinut talvuunalu ihuaqhaiyaghariangmat angiqtauhimayunut havaaghanut taimaalu ataagut Ilanga 12.4.3 talvani *Angirutait taapkua Inuit Nunavunmi Nunataarvianit taamnalu Nanngariyauyuq Kuit pilaarutaigut Kanatami* (Nunavut Angirutait) qauyihagtauvarialik NIRB-kunnit piinnarialiutinik aittuqhitinnatik, laisiutiniklu ahinikluuniit angiqtauvariaqaqqat ilauyut Aulapkaiyit Atannguyainit. Katimayiit kinguanilu naunaiqhitiyut taimaa navalliaayunik ihuilitiqalaaqtuq qauyihaghimayainnit hivulliqmi qauyihatqiktauyughaq. Imaruqtirvia 10-mi, 2020-mi Sabina tunihimayut “Hanningayumi 2020-mi Havaaghanut Ihuaqhaitighat” havaaghanut tughirautinik Katimayiit ihumaliuqtaghait kinguanilu ahiagut naunaiqhitiyimayut Imaruqtirvia 16-mi, 2020-mi.

Hapkua titiqqat naunaiqhitiyut aallannguqhimayunik havaaghainut huliyaaghainullu ilauyut tajja Hanningayumi Havakvingnit. Ilaupluni Katimayiit havaaghainut ihumaliuriamik aallannguqpaalliqhimayunik, ilauyut tajja uqauhiinik tuhaqtittiinnarialgit tughirautinut. Kinguani ilauyunit tuhaqtaarumik uqauhiinik, NIRB-kut havauhighanut ikayuqpangniat ihumagiplugit kinguani havaaghait ihumaliuqhimayainit NIRB-kut hapkunani tughirautinit Sabina-kunnit.

Titiraqhimayutut Imaruqtirvia 10-mi Imaruqtirvia 16-milu tughirautinit, Sabina-kut ilitturihimaliqtut tughirautauyunik ihuaqhautighanik nakuruttiqlugu amirnaiqpaalliqlugu Hanningayumi Havakviit. Sabina-kut ilittuqhitihi mayut taimaa ihuaqhautit ilihimaliqtait ihuaqhaiyaghanit ihivriughiplutik hannaviinit havaghutiklu laisitaarvianit taapkuninnga Nunavunmi Imaliqiyit Katimayit Qanugittunia A Imarmut Laisiutinik. Tughirautauyuq havaaghaq ungahiaqtuq 400 km-nik hivuraanit ualiniqhianit nunallaarmut Iqaluktuuttiaqmit, 95 km hivuraanit kivalliqhianit hivuraat Qingauk, taimaalu 520 km-nik tununngaanit kivalliqhianit Yellowknife-mit, Nunattiami. Tughirautauyut ihuaqhautighat hivulliqnit havaaghanit ilaqturumaplugu tajja piinnarialiutilik mittarvik talvani Goose Nanminianit talvanilu Umiat Tullakvianit; ilaqtuqlugu parnaiyaqhimayut nunam iluani havaangit talvani Umwelt; ihuaqhaitjutighat kuvvikuit hiqupluqhimayut tutquumavighaat; hinaani hittiriitkuhiqlugu talvani tullakvingmi; uqhughat qattaryughainik tullakvingmi ihuaqhaqlugulu ukiumi apqutauyuq. Sabina-kut naunaiqhitiyut taimaa 2020-mi Ihuaqhaitjutighat ihumaliuqtaunngittuq talvuuna “aviktuqhimayunit hanayaghanit” aallannguutit ilaunnginnamik hanayaanik ilaqtuqtaanik uyaraghiuqvingmi. Kingulliqaamik, Sabina-kut naunaiqhitihi mayut taimaa ilittuqhiyuittut huli havakvighainik hapkuninnga Havaaghanut ihuaqhautighat hanavighaanit kihimi naunaiqhitihi mayut ihuaqhautighainut havaaghainik Sabina-kut aullaqtiqniariaghainik. Ihuaqhaitjutighat tughirautinit hivituhiniaqtaat havaaghait 12-nik ukiunik tajja tughirautauhimayunit 10-nguplutik ukiut ahiillu aviktuqhimayut havaaghat aajjikkiingniaqtut.

Havaaghanut naunaitkutut ilauyullu titiraaghat takuinnarialgit atauttikku NIRB-kut qaritauyanit inungnut titiraautinit talvani www.nirb.ca/project/124149:

- Sabina Cvr Ltr Re Modification Package-IA1E [Doc ID: 330404],
- Sabina Modification Package-Pt 1-IA1E [Doc ID: 330405],
- Sabina Modification Package-Pt 2-IA1E [Doc ID: 330406], and
- Sabina Follow-up Clarification Ltr Re Mod Pkg Final-IMTE [Doc ID: 330507].

Havaaghait ilittuqhitihi mayut talvani “Hanningayumi 2020-mi Havaaghanut Ihuaqhaitighat” iliqahiutihimayut hapkua havaanguyut, havaaghat huliyauyullu:

- Goose Havakvia:
 - Ilaqtuqlugu Umwelt-mi nunam iluani havakviat 650 metres-mit (m) itinianik talvunga 900 meters-nut uyaraghiuriamik uyaraktalgit katiqhuqviit;
 - Ilaqtuqlugu Goose-mi ukiuraaluk milviuyuq talvanngat 1,500 metres-nit taimaa 47 metres-nit (5,000 x 150 feet) talvunga 1,800 x 61 metres-mut (6,000 x 200 feet);
 - *Atuqhimmaaqlugu* ukiuq tamaat hikumi milvik;
 - Imaqtuqpallialutik talvanngat 502,000 cubic meters-mit (m³) talvunga 822,450 m³-mut ukiuq tamaat, imaq *imiqtatqauluni* huli Goose Tahianit Tahiryuamillu;
 - *Aulahimmaaqlutik* angiqtauhimayut hannaviit atuqlugit ikluqpaliuqhimayullu Goose-mi Nanminianit;

- Tagiuqni Iliuqaivik Nuna (MLA):
 - Ilaaqtuqlugu tullakvingmi ukiuraaluk milvingnik talvanngat 915 meters-nit taimaalu 47 m (3,000 x 150 feet) talvunga 1,500 x 61 m (5,000 x 200 feet);
 - *Atuqhimmaaqlugu* ukiuq tamaat hikumi milvik;
 - Hanalutik tullakvingmi uqhiqhivingmik tullakvium Tutquumaviat haniani;
 - Iliurailutik uqhughamik pakpautiqvighamik;
 - Iliurailutik 500,000 litre-mik uqhuqhat qattaryungnik;
 - Ilaaqtuqlugu tajja hinaani hittiriitkut uhiiyaqtunut ihuaqhaiyaamik;
 - *Atuqhimmaaqlugit* angiqtauhimayut ikluqpautit hannaviillu tullakvingmi;
- Ukiumi Hikukkut Apqut (WIR):
 - Ihuaqhaqlugit kitut ukiumi hikuuyut apqutim ilaa hiqupluqhimayumik qaaliqlugu 15 km-nik avighimananik 160 km-nik taktigiyumit;
 - Imaqtuqpallialutik hikuuyuq apqutuluqhutik aulapkaiplutiklu talvanngat 108,000 m³-mit (675 m³ km atauhirmi) talvunga 324,000 m³ (2,025 m³-mut km atauhirmi);
 - Himmiqlugu hangutaqtuq irininaqtunut ikluqpak pingahunik (3) hinikvighanik nirivighanik apqutip haniani. Atuqtauhimmaalaqtuq hangutaqtuq irininaqtunut ikluqpak
- *Atuqhimmaaqlugu* kuvvirnut imautinullu ikluqpak ihuaqhautighat tughirautauyut iliqahiutilugit talvani Goose Nanminianit;
 - Hiquplukkan kuvvikuit amigaiqaalliqlugit 59-mit 86.6 milian tonnes-mut (Mt);
 - Amigaiqaalliqlugit hiquplugat 5.3 Mt-mit 6.5 Mt-mut;
 - Ikighivallialugit iqqakut uyaqqat tutquumaviit (WRSA) hitamanit (4) pingahunut (3) [Umwelt WRSA-mi, Llama WRSA-milu Kuvvikuillu iqqakut uyaqqat tutquumaviat WRSA]
- Ikighivallialugit angmaumayut uyaraghiuqviit hitamanit (4) pingahunut (3) [Umwelt-mi angmaumayumi, Llama-mi angmaumayumi talvanilu Goose Main-mi angmaumayumi];
- Ikighivallialugit nunam iluani uyaraghiuqviit hitamanit (4) atauhiqmut (1) [Umwelt-mi nunam iluani uyaraghiuqvianit];
- Ikighavallialugit iqqakuit uyaqqat tutquumaviit pingahunut (3) malrungnut (2) [Iqqakuit Uyaqqat tutquumaviat taamnalu Llama-mi Iqqakuit Uyaqqat] tutquumaviit mighilutik 19.8 Mt-mit 12.4 Mt-mut;
- Ahiagut malrungnik (2) ukiunik havaaghait aulalutik aallat havaaghait aajjikkutaulutik;

- Ikighivallialugit havaaghait uyaraghiuqvingnit 6,000 tonnes-mit upluq tamaat taimaa 3,000-mit 4,000-mut tonnes-nik upluq tamaat; taimaalu
- Atuqhutik tuattunik piriqattaqtumik tuqhuarnik tullakvingmi taryuiyaivingmi imiqtarvighatut anittivighatullu atuqhimaittumik havingnik tuqhuarnik.

Sabina-kut inmingnik qauyihaihimayut tamangnut tughirautauyunik ihuaqhaitjutighanik taimaalu ilihimaliqtut, ihumaigut, aallannguqtirutit tughirautauyut ihuaqhaitjutighaitpallaqtut angiqtauhimayunut havaaghanut. Kihimi, Sabina-kut naahuriyut taimaa ihuaqhaitjutighaanit titiraqhimayuqarniarahugiyaat taimaa NIRB-kut munaqhitjutainit naunaiqhitiqumimayut, taimaalu, iniqhimaniagut, uqauhirnik tuhaqtittiquvangniat taamna Havaanguyuuq Titiraaqtaq Nappa 007 Uqauhiit Maliktaghallu ihumaliuqtauyariaghait.

Ilitariplugit aghuurnaqtut havaaghait inuit ayurnaqtunullu uqauhiit ikayuutauyut hanayunut uqauhirnik maliktaghaniklu talvani taja Havaariyauyum Titiraaqtanik, NIRB-kut uqauhirnik ilauyunit tuharumayut ihumaliuqtinnatik taimaa tughirautauyut aallannguqtirutit ihumaliutqiktauyaaghait talvani taja Havaaghanut Titiraaqtanik Nappa 007-mi ihumagiplugu Ilanga 12.8.2 talvanngat *Nunavunmi Angirutit* talvanilu ilanga 112(1) talvanngat *Nunavunmi Parnaiyaiyit Havaaghaniklu Qauyihaiyit Maligait*, Maligangit Kaanatami 2013, titiraqhimanganik 14, ilanga 2 (*NuPPAA*). Aajikkutaliuqhimayukkkut titiraakkut, NIRB-kut ilauquiyut ilauyumayunut katimaqatigiingnik, inungnik, aulapkaiyillu atannguyait ataniqtuqtuiyut taapkuninnga Hanningayumi Havaaghanik uqauhirnik tuhaqtittiyaamik unniutjiyaamiklu Katimayinik ihumagiplugit hapkua:

- a) Tughirautauyut ihuaqhaitjutighat aallannguqtiriyariaqarumi hivulliqnut havaaghanut hivuani qauyihaqhimayutut ihuaqhaitjutighat angiqtauplunilu NIRB-kunnit;
- b) Taapkua tughirautauyut ihuaqhaitjutighat maliguarumik uqauhirnik maliktaghaniklu taja Havaaghanut Titiraaqtanik Nappa 007, taimaaluuniit aallannguqtiriyughaukpata Havaaghanut Titiraaqtanik illittuqhitiyaamik aallannguqtiriyamik; taimaalu
- c) Hunakiaq aghuurnaqtut uqauhilingnut katimayinut ilauyut Katimayit havauhiinut havaaghanut tughirautinut.

NIRB-kut tughiraqtut ilauyunut uqauhiinik tuhaqtittiquplugit NIRB-kunnut qaritauyakkut titirakkut talvani info@nirb.ca talvuunaluuniit qaritauyakkut inuit titiraqviinit talvani www.nirb.ca **tikitinnagu Taaqhivalirvia 13, 2020.**

NAUNAITKUTAT

Ilitarilugit taja havauhiyut nunaptingni tamaat atuqtittivalliyaaamik inungnut aanniaqtailiniqmut pitquyauhimayut, NIRB-kut ihumagiquyait ilauyut taimaa uqauhiinik tuhaqtittiyaamik kinguqaiquigumik, titirakkut tuqhiraqlutit NIRB-kut havakviinut qilamiuqlutit. Tughirautinik illittuqhitiyughat huuq hivituhiquiyut, taimaa Katimayit ihumaliuriamik tamangnik tughirautauyut illittuqhitiyugait ihumagiplugit naammagiyaugumiklu, taapkualu tamangnik ilauyut naatkutigiiktumik havaktittilugit tughirautainik.

Apiqhuutighaqaruffi naunaittiarumaguffiluuniit NIRB-kut havaaghainut qauyihaiyughanik taapkuninnga qulaani unpkanguyut tughirautainut, hivayaqlugu taiyauyuq ataani talvani sgranchinho@nirb.ca. Apiqhuutighaqaruffi tughirautit mighaanut atuqtitauyaamiklu naunaitkutanik, hivayaqlugu Keith Morrison, Ayuqnaqtunut Unniqtuiyi II, talvani kmorrison@nirb.ca.

Titiraqtuq,



Sophia Granchinho, M.Sc., EP
Kamagiyi, Aktumayunik Qauyihaiyini
Nunavumi Avatilikiyin Katimayin

cc: Matthew Pickard, Sabina Gold and Silver Corp.
Merle Keefe, Sabina Gold and Silver Corp.
Sharon Ehloak, Nunavut Planning Commission
Peter Scholz, Nunavut Planning Commission
Stephanie Autut, Nunavut Water Board
Karén Kharatyan, Nunavut Water Board
Sergey Kuflevskiy, Nunavut Water Board
Geoff Clark, Kitikmeot Inuit Association
Saba Qazi, Canadian Northern Economic Development Agency
Adrian Paradis, Canadian Northern Economic Development Agency